

Tala a Nikolao ma Elena

Ua 10 tausaga talu ona faaiipoipo ma le fiafia Nikolao ma Elena ma maua se fanau e toatolu. La te mananao uma ia faavae lo la aiga i luga o le faavae o Iesu Keriso ma Lana talalelei, ma e la te taumafai uma e faataunuu o la tiutetauave faaleaiga ua atofaina mai le lagi.

E pei foi o isi ulugalii faaiipoipo, o Nikolao ma Elena e i ai feeseeseaiga. O o la feeseeseaiga e masani lava ona faatatau i tupe. E faigaluega Nikolao i le taimi atoa i fafo atu o le fale. E mafai e Elena ona tausii le la fanau ma teu le fale i le aso atoa, e faaopoopo atu i le galue i nisi taimi i ni galuega laiti. E talitonu Nikolao i lana matafaioi o le pulefaamalumalu i le fale, faapea foi ma lē e tele atu tupe e maua mai ai, o lona uiga o ia e tatau ona faia faaiuga i le ala e faaalu ai a latou tupe. E lagona e Elena e tatau ona tele atu lana pule i faaiuga e aofia ai tamaiti talu ai e sili atu lona taimi e faaalu ma i latou nai lo Nikolao. O nisi taimi i le tuanai, e aunoa ma le tauina atu ia Nikolao, sa ia faaaluina a latou tupe i le ala e manao ai o ia.

Sa talanoaina talu ai nei e Nikolao ma Elena le mea e fai i se tupe na la sefeina. E manao Nikolao e faaoga e faatau ai se taavale e faafaigofie ai mo ia ona alu e faigaluega ma feoai ai le latou aiga. E manao Elena e faaoga le tupe e ave ai le la fanau i se tafaoga e asiasi ai i aiga lautele ma maua faatasi ni aafiaga faagaectia a o lei matutua tele tamaiti.

O le feeseeseaiga o Nikolao ma Elena sa mamafa ia i laua, ae e tatau ona faia se faaiuga.

- O le a se luitau ogaoga o e iloa o loo feagai ma Nikolao ma Elena i le filifilia o le mea e fai i le tupe?
- O le a sou manatu o le a le mea e manaomia ona la malamalama atili ai e uiga i le paaga tutusa ma le pulefaamalumalu e faatatau i le faia o faaiuga mo lo la aiga? (Tagai vaega 3 o anomea mo sauniuniga.)
- Afai o oe o Nikolao po o Elena, e mafai faapefea ona e faalatalata atu i lou toalua e fefautuaai faatasi e uiga i lena faaiuga i se ala faaKeriso?